

Gamo - Atotethi Geeshsha Maxaafataka - Salvation Scriptures

Efesoone 2:2 hessa inte hayssa alameza iita ooge kaallideta. Bolla carko bolla diza wolqama haarizayssas ha7ikka Xoossas azazettonta asa bolla ooththiza iita ayanas inte azazettishe gam7ideta.

Matoosa 6:10 Ne kawotethi haayo; ne sheney salon gidida mala sa7anka hano.

Luqaasa 22:42 “Ta Aawawu! Ne shene gidikko hanno metoyo taappe digga; gido attin ne sheney hanoppe attin ta sheney hanoppo” giidi woossides.

Yohannisa 16:7-9 Ta qasse intes tumu gays; ta buussi intes go7a gidana; gaasoyka ta boonta aggikko minthethiza Ayanay inteko yeenna. Ta bidappe guye iza inteko yeddana. 8 Izi yiidi asa nagara gishshinne xillotetha gish qasseka pirda gish erisana. 9 Asa nagara gish izi erisanay asay tana ammanonta gishassa.

2 Ximtoosa 2:10 Hessa gish Kirstoosa baggara diza atottethinne merna boncho demmana doorettidayta gish gaada wursakka dandayadis.

Oroome 15:20,21 Hara asi kase ooththidason ta gelonta mala gaada kase Kirstoosa sunthi xeeygeti erontason Mishiraachcho qaala sabakanayssi taas amo. 21 Harappeka “Iza gish istas yootetontayti iza beyana; siyi erontayti haasa7ana” geetetti kase Geeshsha Maxaafan xaafettida mala hanides.

Hawaareta Ooso 2:36,37 “Hessa gish Xoossi inte kaqqida Yesusa Godanne Kirstoosa histidayssa Isra7eele asay wuri lo7ethi ero” gides. 37 Derey hessa siyida mala woznay boskettides. Phexroosanne hanko Yesusi kiittidayta “Nu ishato! Histin nu ay ooththinoo?” gida.

Ibraawe 4:2 Heytantas sabaketida mala nuuska mishiraachcho qaalay sabaketides. Gidikkoka siyida asatara siyida qaalay istara ammanon walaketonta aggida gish ista maaddibenna.

Ermaasa 24:7 - Matoosa 22:37 Izikka zaaridi “ ‘Ne Goda Xoossa ne kumeththa woznappe, ne kumeththa shempofe, ne kumeththa qofappe dosa.’

Hawaareta Ooso 16:14 Qaala lo7ethi siyiza macasatappe issi Lidiya geetettizara izakka Xoosse goynzaronne Tiyaxiroone katamappe yaada zo7o Hare may7o zal7izaro Phawuloosi yootiza qaala iza woznan wotha siyana mala Goday izi wozna doyides.

Matossa 13:14-16 “Isayaasi ‘Inte sisa siyanashin yuushi qoppeketa; xeelo xeellana shin woznan wotheketa; dereza woznay muumides; ista haythayka siyenna; xeellonta mala ba ayfe qilm7ida; hessi bayndakko isti ba ayfera beyidinne ba haythara siydi ba woznan yuushi qoppidi taakko ha simmin ta ista pathana shin’ gida tinbite qaalay istan polettides. 16 “Inte ayfey xeelliza gishshinne inte haythati siyiza gish inte anjettidayta.

Isayaassi 6:9,10 - Hawaareta Ooso 28:27 Gaasoyka he asata woznay

muumides, ista haythayka tullides; ista ayfey qooqides. Hessatho hanontakko isti ba ayfera beyidi ba haythara siydi ba woznan yuushi qoppidi taakko ha simmananne takka ista pathanashin' gides.

Marqoosa 4:11,12 Izikka istas "Intes Xoossa Kawoteththa xuura eroy gelides shin karen dizaytas gidikko yo7oy wuri leemisora yootettes. 12 Hessika kase 'Isti beyidi beyidayssa akekonta malanne simonta mala, qasseka ista nagaray maaretonta malakko' " gides.

Yohannisa 12:39,40 Hessa gish ammananas dandaybetenna; gaasoyka nabe Isayaassi kase, 40 "Isti ba ayfen beyidi, ba woznan yuushi qoppidi, simmonta malanne izi ista pathonta mala Xoossi ista ayfe qooqisides; ista woznakka muumisides" gi xaafida gishassa.

Oroome 11:7,8 Histin ay gaanee? Isra7eele nayti lo7ethi koyidayssa demmibettenna. Xoossan doorettidayti gidikko demmida. Hanko attidayta woznay muumides. 8Kase "Ista ayfey xeellonta mala, ista haythayka siyonta mala Xoossi hanno gakkanaas istas doccissiza Ayana immides" geetetti Geeshsha Maxaafan xaafettida mala.

2 Tasolonqe 2:10,11 Hessathoka ekkidi attonta mala tuma ixidi dhayiza asata baleththanas dumma dumma iita oosoy yaana. 11 Hessa geedon isti wordo yo7o ammanana mala Xoossi ista bolla bala ooso kiittana.

Matossa 13:18-23 "Histikko ha7i zeretha leemisoza birsheth siyite: 19 Kawoteththa qaala siydi yuushi qopponta ay asa woznappekka Xala7ey yiidi zerettida zeretha eeson maxichana. Hessika oge bolla wodhdhida zeretha. 20 Shuchcha bolla zerettidayssi qaala siyida mala ufayssan siydi heerakka ufayssan ekizade misatees. 21 Gido attin xapho yeddanas dandayonta aggida gish daro gam7onta qaala geedon metoynne goodeleththi yiza wode eleli dhuphetes. 22 Aguntha giddon zerettida zerethay qaala siydi hayssa ha alamezas daro metotethanne duretetha qofan balettidinne cuulettidi ayfe immoonta asa mala. 23 Lo7o biittan zeretida zerethay qasse qaala siydi yuushi qoppizade misatees; tummu ayfe ayfees; issoy xeetu, issoy usuppun tammu, issoy heedzdu tammu ayfe immides" gides.

2 Qorontoose 3:15,16 Hach gakkanaassikka Muse maxaafati nababetiza wode he wode goossay ha7ikka ista wozna goozi oykkees. 16 Gido attin issadey Godakko simmiza wode goossazi qaareti kichchees.

Hosee 11:3-7 - Matossa 11:28-30 "Toohoy deexxidayto, daaburidayto inte wurikka taakko ha yiite; takka intes shempo immana. 29 Ta qambara tookkite; taappekka tamarite; tani ta woznan aadanne ashke; inte shempos inte shempo demmania. 30 Ta qambaray shaykonne ta toohey kawushsha" gides.

Hawaareta Ooso 26:18 Ne ista ayfe doyana malanne dhumappe poo7on kessana mala qasseka Xala7es haarettizasoppe Xoossakko ne zaarana mala ooththana; istika tana ammanida gish ba nagarappe maarettana

qasse doorettidayta giddon isti laata gade demmana' gides.

2 Ximtoosa 2:24-26 Goda oosanchay asara oyeetanas bessenna. Hessafe asa ubba achchan kiya, as tamarsanas dandayizadenne mino as gidanas bessees. 25 Izi banara eqqetiza asata ashketethara oykkizade gidanas bessees. Oone erizay isti tuma erana mala Xoossi istas maarettanas wode immana dandayees. 26 Hessika isti yuushi qoppi simmidi iza shene kunthana mala ista di7i efida Xala7e narxafe isti keessi ekkana.

Yohannisa Ajjuta 3:17-19 'Ta durekko; taas daro haaroy dees; taas aykkoykka paccibenna' gaasa shin ne qas gilqa; aykkoy baynda hiyesha, manqo, qooqenne ne kallo dizadde gididayssa erabeekka. 18 Ne dure gidana koykko taappe taman paacetida worqa shammana mala neni ne kallotetha yeellatetha kammanas booththa may7o may7ana malanne xeellanaska dandayana mala ayfe dhale shammada ne tiyettana mala ta nena zorays. 19 Tani ta dosizayta wursa hanqayssinne qaxayays; hessa gish neni minna; maarotethanka gelaa.

2 Qorontoose 7:10 Xoossa shene mala gidida mishetethi gede maareti attanaso gaththees. Hessaska modhetethi deenna; woznappe gidonta maareteth gidikko hayqon gaththees.

1 Kawotas 18:37 - God turned heart back to God

2 Qorontoose 4:4 Xoossa leemiso gidida Kirstoosa boncho Mishiraachcho qaala poo7oza ha alame asay beyonta mala hayssa ha alameza Xoossi ammanonta asa wozna muumisides.

Luqaasa 8:11-15 "Zeretha leemisoykka hayssa; zereth geetettidaysi Xoossa qaala. 12 Oge lanqen wodhdhidayssi qaala siyizayta; giddo attin isti ammanidi attonta mala Xala7ey yiidi qaala ista woznappe ekkichizayta. 13 Shuchcha bolla wodhdhidaytikka qaala siydi ufayssara ekkizayta; istika ha7is ammanettes attin metoy ista bolla gakkiza wode xapho yeddonta gish ellera ammano kaddizayta. 14 Aguntha giddon wodhdhidayti qaala siyizayta; heytikka hayssa ha alame qofaninne aqutan, hayssa biitta bolla duussa lo7etethan cuulettidi lo7ethi ayfe imettenna. 15 Aradda biittan wodhdhidayssi qaala suureninne lo7o woznan siydi naagizaytanne dandayan minnidi ayfe ayfizayta.

Hawaareta Ooso 15:11 Nu attiday likke istaththokka Goda Yesusa aadho kiyatethan gididayssa ammanoos" gides.

Oroome 8:13 Asho shene mala diza gidikko inte hayqqana; asho ooso iitaza inte Ayanan wodhikko inte de7on daana.